



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16, 40/18 i 16/23), člana 171. Zakona o socijalnoj zaštiti, zaštiti civilnih žrtava rata, zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17, 28/18, 52/21, 40/22 i 13/25), Pravilnika o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe sa područja općine Vogošća, broj: 09-31-101/26 od 28.01.2026.godine, Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV

za dodjelu jednokratne novčane pomoći licima u stanju socijalne potrebe

I – PREDMET JAVNOG POZIVA

Predmet Javnog poziva je dodjela jednokratne novčane pomoći licima u stanju socijalne potrebe sa područja općine Vogošća, u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe sa područja općine Vogošća, (u daljem tekstu: Pravilnik).

Sredstva će se dodjeljivati u skladu sa raspoloživim sredstvima u Budžetu Općine Vogošća za 2026. godinu, po redoslijedu podnošenja zahtjeva.

II – FINANSIJSKA SREDSTVA

Finansijska sredstva za realizaciju ovog Javnog poziva planirana su u Budžetu Općine Vogošća za 2026. godinu na budžetskoj poziciji:

- 614221 – novčana pomoć po osnovu materijalno socijalne sigurnosti ugroženom stanovništvu i pomoć za liječenje.

Ukupan iznos planiranih sredstava iznosi 65.000,00 KM.

Visina jednokratne i izuzetne novčane pomoći utvrđena je Pravilnikom.

III – PRAVO NA DODJELU JEDNOKRATNE NOVČANE POMOĆI

Pravo na jednokratnu novčanu pomoć odnosno izuzetnu novčanu pomoć može se dodijeliti korisniku u okviru jednog domaćinstva u skladu sa raspoloživim budžetskim sredstvima i kriterijima utvrđenim Pravilnikom, a u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom.

IV – USLOVI ZA OSTVARIVANJE PRAVA

Uslovi za ostvarivanje prava na jednokratnu novčanu pomoć su:

- 1) da podnosilac zahtjeva ima prebivalište na području općine Vogošća najmanje 1 (jednu) godinu neposredno prije podnošenja zahtjeva;
- 2) da je lice, odnosno porodica u stanju socijalne potrebe definisano čl. 4. i 5. Pravilnika;
- 3) da podnosilac zahtjeva i članovi zajedničkog domaćinstva nemaju nikakvih primanja ili da ukupni mjesečni prihod po članu zajedničkog domaćinstva ne prelazi iznos od 40% prosječne plaće ostvarene u Kantonu Sarajevo u prethodnoj godini, a u skladu sa važećom Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom, osim u izuzetnim i opravdanim okolnostima koje se razmatraju pojedinačno, u skladu sa Pravilnikom;
- 4) da niko od članova domaćinstva podnosioca zahtjeva nije vlasnik preduzeća ili samostalne radnje niti ima registrovanu dopunsku djelatnost;
- 5) da niko od članova domaćinstva podnosioca zahtjeva nije ostvario drugi vid jednokratne novčane pomoći putem Službe za boračko-invalidsku i socijalnu zaštitu.

V – POTREBNA DOKUMENTACIJA

Uz zahtjev se prilaže:

- 1) čitko popunjen i potpisan propisani obrazac zahtjeva, koji je sastavni dio ovog Javnog poziva;
- 2) uvjerenje o kretanju za podnosioca zahtjeva (ne starije od 3 mjeseca);
- 3) izjava o zajedničkom domaćinstvu (kućna lista);
- 4) potvrda poslodavca o visini primanja za sve punoljetne članove domaćinstva;
- 5) fotokopija čeka penzije, ukoliko je podnosilac zahtjeva ili neko od članova domaćinstva korisnik penzije;
- 6) potvrda da se lice nalazi na evidenciji nezaposlenih;
- 7) potvrda od škola za djecu stariju od 15 godina;
- 8) uvjerenje Porezne uprave;
- 9) uvjerenje o primanjima putem Službe za boračko-invalidsku i socijalnu zaštitu (službeno);
- 10) uvjerenje o primanjima putem Službe socijalne zaštite općine Vogošća (službeno);
- 11) medicinski nalazi ukoliko je podnosilac zahtjeva ili neko od članova bolestan;
- 12) potvrda banke o otvorenom tekućem računu na ime podnosioca zahtjeva.

VI – POSTUPAK DODJELE JEDNOKRATNE NOVČANE POMOĆI

- 1) Postupak dodjele provodi Komisija imenovana od strane Općinskog načelnika.
- 2) Komisija u svakom konkretnom slučaju iznos odobrenih novčanih sredstava utvrđuje na osnovu socijalno materijalnog statusa podnosioca zahtjeva, broja članova domaćinstva i zdravstvenog stanja.
- 3) Nakon utvrđivanja ispunjenih uslova, Općinski načelnik putem nadležne Službe donosi Rješenje na prijedlog Komisije.
- 4) Zahtjevi koji ne ispunjavaju propisane uslove ili su podneseni nakon utroška sredstava, odbijaju se Zaključkom Općinskog načelnika putem nadležne Službe na prijedlog Komisije.
- 5) Protiv Zaključka može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka.
- 6) Podneseni zahtjev važi samo za kalendarsku godinu u kojoj je zahtjev podnesen.

VII – POSTUPAK PODNOŠENJA ZAHTJEVA

Zahtjevi sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća

sa naznakom: „Prijava na Javni poziv za dodjelu jednokratne novčane pomoći
licima u stanju socijalne potrebe“

Javni poziv ostaje otvoren do 31.12.2026. godine ili do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuni i neblagovremeni zahtjevi neće se razmatrati.

Broj: 09-31-101-1/26
Vogošća, 30.01.2026.godine

OPĆINSKI NAČELNIK

Migdad Hasanović